



孔叢子

上本



服部文庫  
117  
290  
1



117
290
1

三三  
29  
本四

廿五回

九叢子

葉 卷之九

八 冊 卷 之 九

卷 之 九

卷 之 九

卷 之 九

卷 之 九

馬<sub>三</sub>牝

苞<sub>三</sub>揖<sub>三</sub>仲

宰<sub>三</sub>子<sub>三</sub>順<sub>三</sub>博

武<sub>三</sub>朝<sub>三</sub>太<sub>三</sub>常<sub>三</sub>孔

之<sub>三</sub>連<sub>三</sub>蓋<sub>三</sub>上<sub>三</sub>下<sub>三</sub>不

業<sub>三</sub>子<sub>三</sub>云<sub>三</sub>蓋<sub>三</sub>言<sub>三</sub>王

甲<sub>三</sub>宋<sub>三</sub>成<sub>三</sub>嘗<sub>三</sub>為<sub>三</sub>之<sub>三</sub>任<sub>三</sub>

新<sub>力</sub>之<sub>力</sub>多<sub>力</sub>筆<sub>力</sub>否<sub>力</sub>邪<sub>力</sub>按<sub>力</sub>漢<sub>力</sub>志<sub>力</sub>無<sub>力</sub>孔<sub>力</sub>蓋<sub>力</sub>子<sub>力</sub>而  
 儒<sub>家</sub>之<sub>力</sub>孔<sub>力</sub>臧<sub>力</sub>子<sub>力</sub>而<sub>力</sub>難<sub>力</sub>求<sub>力</sub>有<sub>力</sub>孔<sub>力</sub>申<sub>力</sub>盤<sub>力</sub>孟  
 二<sub>十</sub>六<sub>篇</sub>宋<sub>刊</sub>孔<sub>氏</sub>視<sub>孔</sub>蓋<sub>子</sub>疑<sub>為</sub>漢  
 志<sub>以</sub>載<sub>孔</sub>申<sub>盤</sub>孟<sub>也</sub>然<sub>考</sub>孔<sub>蓋</sub>子<sub>疑</sub>為<sub>漢</sub>  
 云<sub>甲</sub>蓋<sub>孟</sub>史<sub>云</sub>曰<sub>復</sub>常<sub>孔</sub>申<sub>疑</sub>為<sub>此</sub>  
 又<sub>史</sub>稱<sub>甲</sub>坊<sub>孟</sub>蓋<sub>孟</sub>書<sub>注</sub>云<sub>云</sub>蓋<sub>孟</sub>  
 史<sub>理</sub>新<sub>孟</sub>蓋<sub>孟</sub>豈<sub>信</sub>哉<sub>朱</sub>子<sub>云</sub>其  
 文<sub>軟</sub>弱<sub>不</sub>疑<sub>西</sub>京<sub>云</sub>矣<sub>似</sub>東<sub>漢</sub>人<sub>神</sub>也

上卷之八

二

禮也。子豐重義。業業。出也。世也。又而。其  
 之。友也。其。書。亦。始。行。禮。也。為。盤。盂。也。其  
 不。可。知。其。目。也。氏。也。其。子。也。其。也。其。也。  
 刻。之。丁。也。其。也。其。也。

*[Faint bleed-through text from the reverse side of the page]*

# 孔叢子目錄

## 卷上

- |       |      |
|-------|------|
| 嘉言第一  | 論書第二 |
| 記義第三  | 刑論第四 |
| 記問第五  | 雜訓第六 |
| 居衛第七  | 巡狩第八 |
| 公儀第九  | 抗志第十 |
| 小雅第十一 |      |

卷中

公孫龍第一

儒服第二

對魏玉第三

陳士義第四

論勢第五

執節第六

詰墨第七

獨治第八

問軍禮第九

答問第十

卷下

連叢子上第一

連叢子下第一

目錄終

孔叢子上

儒家三

嘉言第一

是書之勅以孔子子思子上子高子順之言為之先後

夫子適周見萇弘言終退萇弘語劉文公曰吾觀孔仲尼有聖人之表河目而降頰黃帝之形貌也修肱而龜背長九尺有六寸成湯之容體也然言稱先王躬履謙讓洽聞強記博物不窮抑亦聖人之興者乎劉子曰方今周室衰微而諸侯力爭孔丘布衣聖將安施萇弘曰堯舜文武之道或弛而墜禮樂崩喪亦正其統紀而已矣既而夫子聞之曰吾豈敢哉亦好禮樂者也○陳惠公大城因起凌陽之臺未終而坐法死者數十人又執

三監吏夫子適陳聞之見陳侯與俱登臺而觀焉夫子  
曰美哉斯臺自古聖王之爲城臺未有不戮一人而能  
致功若此者也陳侯默而退遽竊赦所執吏既而見夫  
子問曰昔周作靈臺亦戮人乎荅曰文王之興附者六  
州六州之衆各以于道來故區區之臺未及期日而已  
成矣何戮之有乎夫以少少之衆能立大大之功唯君  
爾○子張曰女子必漸乎二十而後嫁何也孔子曰十  
五許嫁而後從夫是陽動而陰應男唱而女隨之義也  
以爲續組織紉者女子之所有事也黼黻文章之義  
婦人之所有大功也必十五以往漸乎二十然後可以

通乎此事通乎此事然後乃能上以孝於舅姑下以事  
夫養子也○宰我使于齊而反見夫子曰梁丘據遇虺  
毒三旬而後瘳朝齊君齊君會大夫衆賓而慶焉弟子  
與在賓列大夫衆賓並復獻攻療之方弟子謂之曰夫  
所以獻方將爲病也今梁丘已瘳矣而諸夫子乃復獻  
方方將安施意欲梁丘大夫復有虺害當用之于衆坐  
默然無辭弟子此言何如夫子曰汝說非也夫三折肱  
爲良醫梁丘子遇虺毒而獲瘳猶有與之同疾者必問  
所以已之方焉衆人爲此故各言其方欲售之以已  
人之疾也凡言其方者稱其良也且以衆據所以已之

子貢子一  
之方優劣耳○夫子適齊晏子就其館既宴其私馬曰  
齊其危矣譬若載無轄之車以臨千仞之谷其不顛覆  
亦難冀也子吾心也子以齊為游息之館當或可救子  
幸不吾隱也夫子曰夫死病無可為醫夫政令者人君  
之銜轡所以制下也今齊君失之已久矣子雖欲挾其  
輶而扶其輪良弗及也抑猶可以終齊君及子之身過  
此以往齊其田氏矣○齊東郭亥欲攻田氏執贄見夫  
子而訪焉夫子曰子為義也丘不足與計事揖子貢使  
答之子貢謂之曰今子士也位卑而圖大位卑則人不  
附也圖大則人憚之殆非子之任也盍姑已乎夫以一

縷之任繫千鈞之重上懸之於無極之高下垂之於不  
測之深旁人皆哀其絕而造之者不知其危子之謂乎  
馬方駭鼓而驚之繫方絕重而填之馬奔車覆六轡不  
禁繫絕於高墜入於深其危必矣東郭亥色戰而跪曰  
吾已矣願子無言既而夫子告子貢曰東郭亥欲為義  
者也子亦告之以難易則可矣奚至懼之哉○宰我問  
君子尚辭乎孔子曰君子以理為尚博而不要非所察  
也繁辭富說非所聽也唯知者不失理孔子曰吾於子  
取其言之近類也於賜取其言之切事也近類則足以  
喻之切事則足以懼之



論書第二

子張問曰：聖人受命，必受諸天，而書云：受終于文祖，何也？孔子曰：受命於天者，湯武是也；受命於人者，舜禹是也。夫不讀詩書，易春秋，則不知聖人之心，又無以別堯舜之禪，湯武之伐也。○子張問曰：禮，丈夫三十而室，昔者舜三十徵庸，而書云有鰥在下，曰：虞舜何謂也？曩師聞諸夫子曰：聖人在上，君子在位，則內無怨女，外無曠夫，堯為天子而有鰥在下，何也？孔子曰：夫男子二十而冠，冠而後娶，古今通義也。舜父頑，母嚚，莫克圖室，家之端焉，故逮三十而謂之鰥也。詩云：娶妻如之，何必告父母。

母父母在，則宜圖婚；若已歿，則已之娶必告其廟。今舜之鰥，乃父母之頑嚚也。雖堯為天子，其如舜何？○子夏問書大義，子曰：吾於帝典見堯舜之聖焉，於大禹皋陶謨益稷見禹稷皋陶之忠勤功勳焉，於洛誥見周公之德焉，故帝典可以觀美，大禹謨禹貢可以觀事，皋陶謨益稷可以觀政，洪範可以觀度。謂皇極泰誓可以觀義，五誥可以觀仁，甫刑可以觀誠，通斯七者，則書之大義舉矣。○孔子曰：書之於事也遠，而不濶；近而不迫，志盡而不怨，辭順而不諂，吾於高宗彤日見德，有報之疾也，苟由其道，致其仁，則遠方歸，志而致其敬焉，吾於洪

範見君子之不忍言人之惡而質人之美也幾乎中而見乎外以成文者其唯洪範乎○子張問曰堯舜之世一人不刑而天下洽何則以教誠而愛深也龍子以爲一夫而被以五刑敢問何謂孔子曰不然五刑所以佐教也龍子未可謂能爲書也○子夏讀書既畢而見於夫子夫子謂曰子何爲於書子夏對曰書之論事也昭然若日月之代明離離然若星辰之錯行上有堯舜之道下有二王之義凡商之所受書於夫子者志之於心弗敢忘雖退而窮居河濟之間深山之中作壤室編蓬戶常於此彈琴以歌先王之道則可以發憤懣喟忘

已貧賤故有人亦樂之無人亦樂之上見堯舜之德下見二王之義忽不知憂患與死也夫子愀然變容曰嘻子殆可與言書矣雖然其亦表之而已未觀其裏也夫闕其門而不入其室惡觀其宗廟之奧百官之美乎○宰我問書云納于大麓烈風雷雨弗迷何謂也孔子曰此言人事之應乎天也堯既得舜歷試諸難已而納之於尊顯之官使大錄萬機之政是故陰陽清和五星不備烈風雨各以其應不有迷錯愆伏明舜之行合於天也○宰我曰敢問禋于六宗何謂也孔子曰所宗者六皆潔祀之也埋少牢於太昭所以祭時也祖迎於坎壇

所以祭寒暑也主於郊官所以祭日也夜明所以祭月也幽榮所以祭星也雩祭所以祭水旱也禋于六宗此之謂也○書曰茲予太享于先王爾祖其從與享之季桓子問曰此何謂也孔子曰古之王者臣有大功死則必祀之於廟所以殊有績勸忠勤也盤庚舉其事以厲其世臣故稱焉桓子曰天子之臣有大功者則既然矣諸侯之臣有大功者可以如之乎孔子曰勞能定國功加於民大臣死難雖食之公廟可也桓子曰其位次如何孔子曰天子諸侯之臣生則有列於朝死則有位於廟其序一也○書曰維高宗報上甲微上甲微契後不世湯之先也

定公問曰此何謂也孔子對曰此謂親盡廟毀有功而不及祖有德而不及宗故於每歲之大嘗而報祭焉所以昭其功德也公曰先君僖公功德前行或作前可以與於報乎孔子曰丘聞昔虞夏商周以帝王行此禮者則有矣自此以下未之知也○定公問曰周書所謂庸庸祗祗威威顯民何謂也孔子對曰不失其道明之於民之謂也夫能用可用則正洽矣敬可敬則尚賢矣畏可畏則服刑恤矣君審此三者以示民而國不興未之有也○子張問書云奠高山何謂也孔子曰高山五嶽定其差秩祀所視焉子張曰其禮如何孔子曰牲幣之物

五嶽視三公小名山視子男子張曰仁者何樂於山孔子曰夫山者歸然高子張曰高則何樂尔孔子曰夫山草木植焉鳥獸蕃焉財用出焉直而無私焉四方皆伐焉直而無私興吐風雲以通乎天地之間陰陽和合雨露之澤萬物以成百姓咸饗此仁者之所以樂乎山也○孟懿子問書曰欽四鄰何謂也孔子曰王者前有疑後有丞左有輔右有弼謂之四近言前後左右近臣當畏敬之不可以非其人也周文王胥附奔輳先後禦侮謂之四鄰以免乎牖里之害懿子曰夫子亦有四鄰天孔子曰吾有四友焉自吾得回也門人加親是非胥附

乎自吾得賜也遠方之士且至是非奔輳乎自吾得師也前有光後有輝是非先後乎自吾得仲由也惡言不至於門是非禦侮乎○孔子見齊景公梁丘據自外而至公曰何遲對曰陳氏戮其小臣臣有辭為是故遲公笑而曰孔子曰周書所謂明德慎罰陳子明德也罰入而有辭非不慎矣孔子答曰昔康叔封衛統三監之地命為孟侯周公以成王之命作康誥焉稱述文王之德以成勅誡之文其書曰惟乃丕顯考文王克明德慎罰克明德者能顯用有德舉而任之也慎罰者并心而慮之衆平然後行之致刑錯也此言其所任不失德所罰

不失罪不謂已德之明也公曰寡人不有過言則安得  
聞吾子之教也○書曰其在祖甲不義惟王公西赤曰  
聞諸晏子湯及太甲武丁祖乙天下之大君夫太甲為  
王居喪行不義同稱君何也孔子曰君子之於人計功  
而除過太甲即位不明居喪之禮而于冢宰之政伊尹  
放之于桐憂思三年追悔前愆起而復位謂之明主以  
此觀之雖四於三主不亦可乎○魯哀公問書橧變曰  
於子擊石拊石百獸率舞庶尹允諧何謂也孔子對曰  
此言善政之化乎物也古之帝王功成作樂其功善者  
其樂和樂和則天地猶且應之况百獸乎變為帝舜樂

正實能以樂盡治理之情公曰然則政之大本莫尚變  
乎孔子曰夫樂所以歌其成功非政之本也衆官之長  
既咸熙熙然後樂乃和焉公曰吾聞變一足有異於人  
信乎孔子曰昔重黎舉夔而進又欲求人而佐焉舜曰  
夫樂天地之精也唯聖人為能和六律均五音知樂之  
本以通八風變能若此一而足矣故曰一足非一足也  
公曰善

記義第二

季桓子以粟千鍾餼夫子夫子受之而不辭既而以頒  
門人之無者亦貢進曰季孫以夫子貧故致粟夫子受

之而以施人無乃非季孫之意乎子曰何對曰季孫以爲惠也子曰然吾得千鍾所以受而不辭者爲季孫之惠且以爲寵也夫受人財不以成富與季孫之惠於一人豈若惠數百人哉○秦莊子死孟武伯問於孔子曰古者同寮有服乎荅曰然同寮有相友之義貴賤殊等不爲同官聞諸老聃昔者號叔閔夫太顛容宜生南宮括五臣同寮比德以贊文武及號叔死四人者爲之服朋友之服古之達理者行之也○公文文伯死室人有從死者其母怒而不哭相室諫之其母曰孔子天下之賢人也不用於魯退而去是子素宗之而不能隨今死

而內人從死者二人焉若此於長者薄於婦人厚也既而夫子聞之曰季氏之婦尚賢哉子路愀然對曰夫子亦好人之譽也乎夫子死而不哭是不慈也何善尔子曰怒其子之不能隨賢所以爲尚賢者吾何有焉其亦善此而已矣○衛出公使人問孔子曰寡人之任臣無大小一一自觀察之猶復失人何故荅曰如君之言此即所以失之也人既難知非言問所及觀察所盡且人君之慮者多多慮則意不精以不精之意察難知之人宜其有失也若味之聞乎昔者舜臣堯官才任士堯一從之左右曰人若用士當自任耳目而取信於人無乃

不可乎堯曰吾之舉舜已耳自之矣今舜所舉人吾又耳自之是則耳自人終無已也君苟付可付則已不勞而賢才不失矣○子貢問曰昔孫文子以衛侯哭之不哀知其將為亂不敢舍其重器而行盡寄諸戚而善晉太夫二十人或稱其知何如孔子曰人知其為知也吾未知其為知也子貢曰敢問何謂也子曰食其祿者必死其事孫子知衛君之將不君不念伏死以爭而素規去就尸利携貳非入臣也臣而有不臣之心明君所不赦幸哉孫子之以此免戮也○孔子使宰予使於楚楚昭王以安車象飾因宰予以遺孔子焉宰予曰夫子

無以此為也王曰何故對曰臣以其用思其所在觀之有以知其然王曰言之宰予對曰自臣侍從夫子以來竊見其言不離道動不違仁貴義尚德清素好儉仕而有祿不以為積不合則去退無吝心妻不服綵妾不衣帛車器不雕馬不食粟道行則樂其治不行則樂其身此所以為夫子也若夫觀自之麗靡窈窕之淫音夫子過之弗之視遇之弗之聽也故臣知夫子之無用此車也王曰然則夫子何欲而可對曰方今天下道德寢息其志欲興而行之天下誠有欲治之君能行其道則夫子雖使步以朝猶為之何必遠辱君之重貶乎王曰

乃今而後知孔子之德也大矣宰予歸以告孔子孔子曰二三子以予之言何如子貢對曰未盡夫子之美也夫子德高則配天深則配海若予之言行事之實也未子曰夫言貴實使人信之舍實何稱乎是賜之華不若子之實也○孔子適齊齊景公讓登夫子降一等景公三辭然後登既坐曰夫子降德辱臨寡人寡人以為禁也而降階以遠自絕於寡人寡人未知所以為罪孔子答曰君惠顧外臣君之賜也然以匹夫敵國君非所敢行也雖君私之其若義何○顏離善事親子路義之顏離以非罪執於義將厄子路請以金贖焉人將許之既

而二三子納金於子路以入衛或謂孔子曰受人之金以贖其私昵義乎子曰義而贖之貧取於友非義而何愛金而令不辜陷辟凡人且猶不忍况二三子於由之所親乎詩云如可贖兮人百其身苟出金可以生人雖百倍古人不以為多故二三子其欲由也成其義非汝之所知也○孔子讀詩及小雅喟然而嘆曰吾於周南召南見周道之所以盛也於相舟見匹夫執志之不可易也於淇澳見學之可以為君子也於考槃見道世之士而不悶也於木瓜見包且之禮行也於緇衣見好賢之心至也於雞鳴見古之君子不忘其敬也於伐檀見



賢者之先事後食也於蟋蟀見陶唐儉德之大也於下  
泉見亂世之思明君也於七月見幽公之所造周也於  
東山見周公之先公而後私也於狼跋見周公之遠志  
所以爲聖也於鹿鳴見君臣之有禮也於彤弓見有功  
之必報也於羔羊見善政之有應也於節南山見忠臣  
之憂世也於蓼莪見孝子之思養也於四月見孝子之  
思祭也於裳裳者華見古之賢者世保其祿也於采芣  
見古之明主所以敬諸侯也○孔子晝息於室而鼓琴  
馬閔子自外聞之以告曾子曰嚮也夫子之音清徹以  
和淪入至道今也更爲幽沉之聲幽則利欲之所爲發

沉則貪得之所爲施夫子何所之感若是乎吾從子入  
而問焉曾子曰諾二子入問夫子夫子曰然女言是也  
吾有之向見猫方取鼠欲其得之故爲之音也女二人  
者孰識諸曾子對曰閔子夫子曰可與聽音矣

#### 刑論第四

仲弓問古之刑教與今之刑教孔子曰古之刑省今之  
刑繁其爲教古有禮然後有刑是以刑省今無禮以教  
而齊之以刑刑是以繁書曰伯夷降典折民維刑謂先  
禮以教之然後維以刑折之也夫無禮則民无耻而正  
之以刑故民菑免○孔子適衛衛將軍文子問曰吾聞

魯公父氏不能聽獄信乎孔子答曰不知其不能也夫  
公父氏之聽獄有罪者懼無罪者耻文子曰有罪者懼  
是聽之察刑之當也無罪者耻何乎孔子曰齊之以禮  
則民耻矣刑以止刑則民懼矣文子曰今齊之以刑刑  
猶弗勝何禮之齊孔子曰以禮齊民譬之於御則轡也  
以刑齊民譬之於御則鞭也執轡於此而動於彼御之  
良也無轡而用策則馬失道矣文子曰以御言之左手  
執轡右手運策不亦速乎若徒轡無策馬何懼哉孔子  
曰吾聞古之善御者執轡如組兩駮如舞非策之助也  
是以先王盛於禮而薄於刑故民從命令今也廢禮而尚

刑故民彌暴文子曰吳越之俗無禮而亦治何也孔子  
曰夫吳越之俗男女无别同廁而浴民輕相犯故其刑  
重而不勝由無禮也中國之教為外內以别男女異器  
服以殊等類故其民萬而法其刑輕而勝由有禮也○  
孔子曰民之所以生者衣食也上不教民民匱其生飢  
寒切於身而不為非者寡矣故古之於盜惡之而不殺  
也今不先其教而一殺之是以罰行而善不反刑張而  
罪不省夫赤子知慕其父母由審故也况為政與其賢  
者而廢其不賢以化民乎知審此二者則上盜息上盜猶太  
也盜○書曰茲嚴罰有倫子張問曰何謂也孔子曰不失

其理之謂也。今諸侯不同德，國君異法，折獄無倫，以意為限，是故知法之難也。子張曰：古之知法者與今之知法者異乎？孔子曰：古之知法者能遠而能禮，教先其源，今之知法者不失有罪，不失有罪其於怨寡矣。能遠則於獄其防深矣，寡怨近乎濫防深治乎。本書曰：維敬五刑以成三德，言敬刑所以為德也。○書曰：非從維從，孔子曰：君子之於人也有不語也，無不聽也。况聽訟乎？必盡其辭矣。夫聽訟者或從其情或從其辭，辭不可從，必斷以情。書曰：人有小罪非眚乃惟終自作，不典式爾有厥罪小乃不可不殺，乃有大罪非終乃為眚災，適爾既道。

極厥辜時乃不可殺。○曾子問聽獄之術，孔子曰：其大法有三焉。治必以寬，寬之之術歸於察，察之之術歸於義，是故聽而不寬是亂也，寬而不察是慢也，察而不中義是私也，私則民怨，故善聽者雖不越辭，辭不越情，情不越義。書曰：上下比罰，無僭亂辭。○書曰：哀矜折獄，仲弓問曰：何謂也？孔子曰：古之聽訟者，察貧窮哀孤獨及鰥寡老弱，不肖而無告者，雖得其情，必哀矜之，死者不可生，斷者不可屬。若老而刑之謂之悖，弱而刑之謂之剋，不赦過謂之逆，率過以小罪謂之枳。一作枳，猶傷也。夫過則宜宥，若率以為小罪，亦傷于義。故有過赦小罪，老弱不受刑，先主之道也。

書曰大辟疑赦又曰與其殺不辜寧失不經○書曰若  
保赤子子張問曰聽訟可以若此乎孔子曰可哉古之  
聽訟者惡其意不惡其人求所以生之不得其所以生  
乃刑之君必與衆共焉今之聽訟者不惡其意而惡其  
人求所以殺是反古之道也○孟氏之臣叛武伯問孔  
子曰如之何荅曰臣人而叛天下所不容也其狀自反  
子姑待之三旬果自歸孟氏武伯將執之訪于夫子夫  
子曰無也子之於臣禮意不至是以去子今其自反罪  
以及除又何執焉子修禮以待之則臣去子將安往武  
伯乃止

訥所臧

